

Almennt

Skil á launaupplýsingum vegna álagningar tryggingagjalds

1. Skattskyldum lögaðilum skv. I. kafla laga nr. 90/2003 ber að gera grein fyrir gjaldstofni tryggingagjalds á 6. síðu skattframtals rekstraraðila RSK 1.04 og eiga þeir því **ekki** að skila hinu hefðbundna launaframtali RSK 1.05. Skilafrestur skattframtals lögaðila rennur út í lok maí 2006. Skattskyldir lögaðilar eiga eftir sem áður að skila launamiðum 26. janúar / 6. febrúar 2006.
2. Einstaklingar, sem stunda atvinnurekstur eða sjálfstæða starfsemi, og sem skila skattframtali á pappír, og lögaðilar, sem undanþegnir eru skattskyldu skv. I. kafla laga nr. 90/2003 og skila ekki skattframtali RSK 1.04, skulu skila launaframtali RSK 1.05 á pappír, hafi þeir greitt laun eða viðbótarframlag í lífeyrissjóð á árinu 2005. Skilafrestur launaframtals RSK 1.05 er til 26. janúar 2006 sé launamiðum skilað á pappír, en til 6. febrúar 2006 sé launamiðum skilað á tölvutæku formi.
3. Einstaklingar í rafrænum framtalsskilum skila **ekki** launaframtali RSK 1.05 á pappír, heldur gera þeir grein fyrir gjaldstofni tryggingagjalds á samræmingarblaði RSK 4.05.

Gjaldstofn

Tryggingagjald er lagt á samkvæmt lögum nr. 113/1990 um tryggingagjald. Gjaldstofninn er allar tegundir launa og þóknana, hverju nafni sem nefnast, óháð formi launagreiðslu, sem og reiknað endurgjald vegna vinnu manns

við eigin atvinnurekstur eða sjálfstæða starfsemi ásamt reiknuðu endurgjaldi maka og barna, sbr. 1. tölul. A-liðs 7. gr. laga nr. 90/2003, um tekjuskatt. Almennt hefur tryggingagjald verið innheimt í staðgreiðslu á rekstrarárinu 2005, en tiltekin tryggingagjaldsskyld laun og hlunnindi eru þó undanþegin staðgreiðslu, t.d. reiknað endurgjald barna. Gjaldþagi ógreidds tryggingagjalds vegna launa og hlunninda sem þannig eru undanþegin staðgreiðslu tryggingagjalds er fyrsti gjaldþagi þinggjalda eftir að álagning tryggingagjalds liggur fyrir. Eindagi er mánuði eftir gjaldþaga. Álagning tryggingagjalds fer fram samhliða álagningu annarra opinberra gjalda, skv. 12. gr. laga nr. 113/1990, sbr. 98. gr. laga nr. 90/2003, um tekjuskatt.

Á launaframtali sem skilað er á pappír þarf hvorki að gera grein fyrir reiknuðu endurgjaldi manns sem vinnur við eigin atvinnurekstur eða sjálfstæða starfsemi né heldur reiknuðu endurgjaldi maka. Um mótframlag til lífeyrissjóða vísast til umfjöllunar hér að neðan. Að öðru leyti er álagning tryggingagjalds byggð á launaframtalinu.

Aðrar tryggingagjaldsskyldar greiðslur

Í þennan reit skal færa aðrar greiðslur og hlunnindi, sem mynda stofn til tryggingagjalds í staðgreiðslu.

Hér er t.d. um að ræða húsnæðishlunnindi í launamiðareit 28, afhendingu hlutabréfa á undirverði í launamiðareit 04, björgunarlaun í launamiðareit 58, svo og önnur þau hlunnindi og skattskyldar greiðslur í launamiðareitum 34 og 82, sem eru staðgreiðsluskyldar.

Mótframlag launagreiðanda í lífeyrissjóð

Mótframlag í lífeyrissjóð

Allt mótframlag, sem launagreiðandi greiðir vegna almenns iðgjalds launamanns í lífeyrissjóð, myndar stofn til tryggingagjalds. Það skal færa í reit fyrir mótframlag og vera meðtalið í tryggingagjaldsstofni.

Viðbótar mótframlag skv. kjarasamningum

Á undanförunum misserum hefur það verið sett inn í

nokkra kjarasamninga að launagreiðendur greiði aukið mótframlag í lífeyrissjóð, umfram hefðbundið framlag (sem oftast er 6%), að uppfylltum ákveðnum skilyrðum. Þessi viðbót er greidd í séreignarsjóð. Þannig ákvarðað mótframlag myndar stofn til tryggingagjalds og skal færa í reitinn fyrir mótframlag vegna almenns iðgjalds og vera meðtalið í tryggingagjaldsstofni.

Launagreiðslur til erlendra starfsmanna

Tryggingagjald vegna erlendra starfsmanna sem framvísað hafa E101 vottorði

Tilgreina skal sérstaklega launagreiðslur til erlendra starfsmanna sem ekki eru tryggðir hér á landi samkvæmt ákvæðum reglugerðar EBE nr. 1408/71/EBE, um beitingu almannatryggingareglna gagnvart launþegum sem flytjast á milli aðildarríkja.

Launagreiðandi skal hafa í vörslu sinni E-101 vottorð vegna hlutaðeigandi starfsmanna.

Þessar greiðslur skal sundurliða niður á mánuði, en þær eru **ekki** innifaldar í stofni til almenns tryggingagjalds.